



## XALQ DEPUTATLARI FARG'ONA VILOYATI KENGASHI QARORI

2017 yil 30 janvar № V-XXI/115

### 2016 йил 12 ойи якунлари бўйича жиноятчилик таҳлили юзасидан вилоят Ички ишлар бошқармаси бошлиғи А.П.Султоновнинг ахбороти ҳақида

Давлатимиз мустақилликка эришганидан сўнг, барча жабҳаларда ўсиш суратлари кузатилиб, аҳоли турмуш даражаси ошиб бормоқда, халқимиз тинч ва осуда хаёт кечирмоқда. Бугунги кунда, дунёнинг турли нуқталарида сиёсий, иқтисодий парокандаликлар, террорчи ташкилотларнинг хунрезликлари инсонлар тақдирини издан чиқараётган бир пайтда, юртимизда хукм сураётган тинчликни бир маромда сақлаш, аҳоли турмуш фаровонлигини таъминлаш, барқарор вазиятни сақлаш ва жиноятчиликка қарши курашиш, содир этилиши мумкин бўлган кўнгилсизликларни олдини олиш, энг муҳим масаладир.

Фарғона вилояти ички ишлар бошқармаси томонидан 2016 йил давомида вилоядта бўлиб ўтган сиёсий тадбирлар, умумхалқ байрамлари, оммавий тадбирлар, вилоят ҳокимлигининг чора-тадбирлар дастурига асосан ўtkазилган тадбирлар, йирик спорт мусобақалари, оммавий қишлоқ хўжалик тадбирларига тайёргарлик кўриш ҳамда ўтказиш даврида намунали жамоат тартибини сақлаш, ёнғин, йўл ҳаракати ва аҳоли хавфсизлигини таъминлашга эришилди.

Бирок, вилоят ҳудудида айрим йўналишларда салбий кўрсаткичлар кузатилиб, йўл қўйилган камчиликлар оқибатида қотиллик 22,5 % га, фирибгарлик 9,6 % га, босқинчилик 4,8 % га жиноятлари ошиб кетишига йўл қўйилган.

Бундан ташқари ички ишлар органлари томонидан маҳаллий ҳокимлик ва кенг жамоатчилик билан ҳамкорликда аниқ ва мақсадли профилактик тадбирлар белгиланмаганлиги натижасида умумий жиноятлар Фарғона ва Қувасой шаҳарлари, Бешариқ, Боғдод, Олтиариқ, Тошлоқ ва Учкўприк туманларида, **ЖҚ соҳасидаги жиноятлар Фарғона шаҳри, Бешариқ, Тошлоқ ва Учкўприк туманларида ошиб кетишига йўл қўйилган.**

Жиноятлар маҳаллалар кесимида таҳлил қилинганида, вилоядта мавжуд бўлган 1037 та маҳалла фуқаролар йигинларининг **35 тасидан ташқари, барчасида жиноят содир этилишига йўл қўйилганлиги**, жиноятчиликни олдини олиш ва профилактика йўналишида ҳамкорликда олиб борилаётган ишларимиз талабга жавоб бермаётганлигини кўрсатмоқда.

Вилоядда муқаддам судланганлар томонидан содир этилган жиноятлар сони 341 тага ёки 19,8 фоизга ошиб кетишига йўл қўйилган.

Шунингдек, аёллар томонидан қотиллик, босқинчилик, оғир тан жарохати етказиш, гиёхвандлик билан боғлиқ, исловатхона сақлаш, ўғирлик, фирибгарлик

ва чегара қоидасини бузиш холатлари содир этилганлиги, аёллар билан профилактик тадбирлар саёз олиб борилаётганлигини кўрсатмоқда.

**Вояга етмаганлар томонидан содир этилган жиноятлар сезиларда даражада камайган бўлсада, қотиллик, номусга тегиш, босқинчилик, оғир тан жарохати етказиш, талончилик ва ўғирлик жиноятлари содир этилишига йўл қўйилган.**

Шунингдек, худудларда соғлом мухитни шакллантириш, ўз жонига қасд ва суккасд қилиш холатларини олдини олиш юзасидан ўтказилган тадбирлар натижасида вилоятда ўз жонига қасд қилиш холатлари камайган бўлсада, Фарғона ва Марғилон шаҳарлари, Данғара, Ёзёвон, Олтиарик, Риштон, Учкўприк, Ўзбекистон ва Фарғона туманларида кўпайган.

Юқоридагилардан келиб чиқиб, вилоятда жиноятчилик ва ҳукуқбузарликларни олдини олиш борасида олиб борилаётган ишларни янада жадаллаштириш, маҳаллий ҳокимликлар, жамоат ташкилотлари ва кенг жамоатчилик билан ҳамкорликни янада кучайтириш, кечикириб бўлмайдиган тадбирларни белгилаш мақсадида ҳалқ депутатлари вилоят Кенгashi

### **ҚАРОР ҚИЛАДИ:**

**1.** 2016 йилда вилоятда жиноятчилик ва ҳукуқбузарликларни олдини олиш борасида олиб борилаётган ишлар юзасидан олиб борилган ишлар тўғрисида вилоят Ички ишлар бошқармаси бошлиғи А.П.Султоновнинг ҳисботи маълумот ва ижро учун қабул қилинсин.

**2.** “Маҳалла” хайрия жамоат фонди вилоят бошқаруви (Элчиев), вилоят “Нуроний” жамғармаси (Холдоров), “Камолот” ЁИХ вилоят Кенгashi (Полвонов), вилоят Маънавият-тарғибот маркази (Зоҳидов), шаҳар ва туман ҳокимлари ҳамда ички ишлар бўлимлари раҳбарларига:

Ички ишлар органлари томонидан маҳаллий ҳокимлик ва кенг жамоатчилик билан ҳамкорликда аниқ ва мақсадли профилактик тадбирлар белгиланмаганлиги натижасида Фарғона ва Қувасой шаҳарлари, Бешарик, Бағдод, Олтиарик, Тошлок ва Учкўприк туманларида **жиноятлар** ошиб кетишига йўл қўйилганлиги;

Аёллар ва voyaga етмаганлар ўртасида қотиллик, босқинчилик, оғир тан жарохати етказиш, гиёхвандлик, ўғирлик, фирибгарлик ва чегара қоидасини бузиш холатлари содир этилганлиги;

ўз жонига қасд қилиш холатлари Фарғона ва Марғилон шаҳарлари, Данғара, Риштон, Учкўприк ва Фарғона, Ёзёвон, Олтиарик ва Ўзбекистон туманида кўпайганлиги;

худудларда жиноятчиликни олдини олиш ва профилактика йўналишида ҳамкорликда олиб борилаётган ишлар талаб даражасида эмаслиги натижасида мингга яқин маҳалла фуқаролар йиғинлари жиноят содир этилишига йўл қўйилганлиги;

оила турмуш доирасидаги келишмовчиликлар оқибатида содир этилаётган жиноятларга тўлиқ эътибор каратилмаётганлиги, уларни муҳокама этишда таъсирчанлик таъминланмаётганлиги, ушбу жиноятларни содир этишга мойил шахслар ва оиласларни аниқлаш ишлари етарлича ташкил этилмаганлиги

оқибатда аёллар, мұқаддам судланған ва вояга етмаганлар томонидан оғир жиноятлар содир этилаётганлиги;

Фарғона ва Қувасой шаҳарлари, Риштон, Учкүприк ва Сўх туманларида мұқаддам судланғанлар томонидан содир этилган жиноятларни ошиб кетганлиги, улар билан чуқур профилактик ишлар олиб борилишида камчиликларга йўл қўйилаётганлиги;

жиноят содир этиб, жазодан қочиб юрган шахсларни ушлаш борасида аник тезкор-қидирув тадбирлари етарли даражада амалга оширилмаётганлиги, бу бўйича ҳамкорлик йўлга қўйилмаганлиги натижасида қидирудаги шахслар сони камаймаётганлиги;

мұқаддам судланғанлар томонидан содир этилган жиноятларни ошиб кетишига сабаб асосан ишсизлик, яъни айрим ташкилот раҳбарлари мұқаддам судланған шахсларни ишга қабул қиласылганлиги, жойларда мұқаддам судланғанлар билан олиб борилаётган профилактик ишлар етарли даражада олиб борилмай, факат профилактика инспекторларига ташлаб қўйилганлиги, маҳалла ва кенг жамоатчиликнинг ўрни ва иштироки сезилмаётганлиги сабабли улар томонидан қайта жиноят содир этилишига сабаб бўлаётганлиги;

шаҳар ва туманлардаги фуқаролар йигинлари фаоллари ва ширкатлар ўз худудларида яшовчиларни ҳисоби, келиб-кетувчи ва ижарага яшовчилар билан қизиқмаслиги, уларни мунтазам хатловдан ўтказиб борилмаганлиги оқибатида қидирудаги жиноятчиларни худудларда яшириниб юришлари шароит яратиб берилаётганланлиги алоҳида қўрсатиб ўтилсин.

**Юқоридагилардан келиб чиқиб, қўйидаги ишларни амалга оширилиши белгилаб қўйилсин:**

**1 хафта** муддатда ички ишлар органлари, маҳаллий ҳокимлик ва кенг жамоатчилик билан ҳамкорликда аник ва мақсадли профилактик тадбирлар режасини ишлаб чиқиш;

ўз жонига қасд қилишни олдини олиш бўйича ҳокимликлар хузуридаги вояга етмаганлар ишлари бўйича комиссиялар, хотин-қизлар қўмиталари, “Камолот” ёшлар ижтимоий харакати, халқ таълимни ва соғлиқни сақлаш муассасалари билан ҳамкорликда тадбирлар режасини ишлаб чиқиш;

оила турмуш доирасидаги келишмовчиликлар оқибатида содир этилаётган жиноятларни келиб чиқиш сабаблари чуқур ўрганиш, ушбу жиноятларни содир этишга мойил шахслар ва оиласарни аниқлаш ва уларни кенг жамоатчиликни таклиф этган ҳолда муҳокамалар ўтказиб бориш;

мұқаддам судланғанлар томонидан содир этилган жиноятларни олдини олиш мақсадида уларни иш билан таъминлаш, жойларда маҳалла ва кенг жамоатчилик билан биргаликда улар билан профилактик тадбирларни олиб бориш;

фуқаролар йигинлари ва уй-жойлар мулкдорлари ширкатлари ўз худудларида мунтазам хатлов олиб бориш, яшовчиларни ҳисоби, келиб-кетувчи ва ижарада яшовчиларни рўйхатларини шакллантириб бориш.

**4. Вояга етмаганлар ишлари бўйича вилоят комиссияси масъул котиби (Хасанов), ҳуқуқни муҳофаза қилувчи органлар ҳамда шаҳар ва туман ҳокимлеклари билан биргаликда вояга етмаганлар ўртасида жиноятчилик,**

хукуқбузарликни олдини олиш борасида куйидаги ишларни амалга оширилишини таъминласинлар:

мамлакатимизда ёшларга қаратилаётган эътиборни, ёшлар масалалари - давлат сиёсати даражасига кўтарилганини алоҳида эътироф этган ҳолда 2016 йил 14 сентябрда Ўзбекистон Республикасининг “Ёшларга оид давлат сиёсати тўғрисида”ги ЎРҚ-406-сонли ҳамда Ўзбекистон Республикасининг “Вояга етмаганлар орасида назоратсизлик ва хукуқбузарликларнинг профилактикаси тўғрисида”ги Қонуни талаблари асосида иш олиб бориш ва ижросини сўзсиз таъминлаш;

Ёшларнинг хукуклари, эркинликлари ва қонуний манфаатларини таъминлаш, маънавий, интеллектуал, жисмоний ва ахлоқий жиҳатдан камол топишига кўмаклашиш, уларнинг бандлиги учун шарт-шароитлар яратиш, турли зарарли таъсирлар ва оқимларга қарши турла оладиган, ҳаётга бўлган қатъий ишонч ва қарашларга эга қилиб тарбиялаш, айниқса “Ёшларнинг бўш вакти - душманнинг иш вакти” тамойили асосида ишлар ташкил этиб бориш;

**1 хафта муддатда** вояга етмаганларни хорижга ишлаш мақсадида чиқиб кетишиларини олдини олиш ёки чиқиб кетган яшаш манзилларига қайтариш бўйича наъмунавий чора-тадбирлар дастурини ишлаб чиқиш;

вояга етмаганлар ишлари бўйича комиссиялар, соҳага даҳлдор идора ва ташкилотлар томонидан вояга етмаганларнинг хукуклари ва қонуний манфаатларини ҳимоялаш, уларни ватанпарварлик руҳида тарбиялаш борасида олиб борилаётган ишларни янада жонлантириш;

фарзандини таълим тарбияси ва моддий таъминотидан бўйин товлаётган ота-оналарни қонунларда белгиланган тартибда жавобгарликка тортиш тизимини янада жадаллаштириш;

**1 хафта муддатда** хукуқбузарлик ва жиноят учун жазонинг муқаррарлиги юзасидан маҳаллаларда, таълим муассасаларида учрашувлар, давра суҳбатлари ташкил қилиш режа жадвалини ишлаб чиқиш, бунда эл ҳурматига сазовор бўлган меҳнат, спорт фахрийлари, маҳалла фаоллари имкониятларидан кенг фойдаланиш тизимидан янадан самарали фойдаланиш;

**1 хафта муддатда** диний фон юқори бўлган худудларда диний экстремистик оқим аъзоларининг вояга етмаган фарзандларини бўш вактларини мазмунли ўтказиш мақсадида уларни спорт ва бадиий ҳаваскорлик тўғаракларига жалб этиш ва оиласидаги муаммоларини ўрганиш, дўст сифатида улар билан очик мулоқотга киришиб, мавжуд муаммоларни ҳамкорликда ҳал этиш орқали уларни давлат сиёсатига бўлган ижобий фикрларини шакллантириш бўйича алоҳида Манзилли дастур ишлаб чиқиш;

оилани қўллаб-қувватлаш, шу жумладан етим ва ота-она қарамоғидан маҳрум бўлган болаларни аниқлаш, уларга таълим-тарбия берилишини таъминлаш ва ҳар томонлама кўмак бериш ишларининг кўлами ва сифатини янада ошириш;

**1 хафта муддатда** ижтимоий жиҳатдан хавфли аҳволда бўлган вояга етмаганлар ва оилалар билан олиб борилаётган профилактик тадбирлар самарадорлигини янада ошириш, бунда асосий эътиборни мутасадди давлат

идоралари ва жамоат ташкилотлари фаолиятини мувофиқлаштириш ва ўзаро ҳамкорликни мустаҳкамлаш бўйича **наъмунавий тизим яратиш**;

**1 хафта муддатда** вояга етмаганларнинг қаровсиз ва назоратсиз юришларини олдини олиш, таълим муассасаларида ўқувчиларнинг давоматини таъминлаш ва бу борада таълим муассасалари, ота-оналар ҳамда соҳага дахлдор идора ва ташкилотлар масъулиятини оширишга қаратилган таъсирчан чора-тадбирлар режасини ишлаб чиқиш;

таълим муассасаларидаги спорт, фан ва касбий тўғаракларни ҳақиқатда фаолият юритаётганинги, шунингдек, етим ва ота-она қарамоғидан маҳрум бўлган болалар учун мўлжалланган гўдаклар уйлари, меҳрибонлик уйлари, мактаб-интернатлар ва бошқа муассасаларнинг моддий-техника базасини мустаҳкамлаш, тарбияланувчилар учун зарур шарт-шароитларни яратилганлигини жойига чиқсан холда **ҳар ойда ўрганиб боришни йўлга қўйиш** ва фаолиятини жонлантириш, бу бўйича тадбирларни изчиллик билан амалга ошириш;

туман, шаҳар ҳокимлари томонидан васийликни ёки ҳомийликни белгилаш ва тугатиш бўйича, шунингдек, васийларни ёки ҳомийларни ўз мажбуриятларини бажаришдан озод этиш ёхуд четлаштириш тўғрисида қарорлари ижросини ўрганиш ва қабул қилинишида қонун талабларига риоя этилишини таъминлаш;

ўзларига бириктирилган тураг жойга эга бўлмаган ва тураг жойга муҳтоҷ сифатида ҳисобда турган етим ва ота-она қарамоғидан маҳрум бўлган болаларни тураг жойлар билан таъминланганлигини ўрганиш, шунингдек, уларга мақсадли трансферлар ажратиш чораларини кўриш;

**1 ой муддатда** ўқувчилар ўртасида жиноятчилик, хукуқбузарлик ва ўз жонига қасд қилишни олдинги олиш мақсадида барча умумтаълим мактабларига берилган психолог штатларидан мақсадли фойдаланилаётганинги, ушбу штатларни психолог мутахассислигига эга бўлмаган, номутахассис ходимлар ўрнини психолог мутахассислигига эга бўлганлар билан тўлдириш бўйича вилоят Ҳалқ таълими бошқармасига **таклиф киритиш**;

вояга етмаганлар ўртасида хукуқбузарлик ва бошқа ғайри ижтимоий хатти-ҳаракат содир этган ва бунга мойил бўлган, дарсларга мунтазам қатнашмаётган, носоғлом мухит ва нотинч оиласларда тарбия топаётган вояга етмаганлар рўйхатини шакллантирган холда доимий баъза сифатида юритиб бориш;

хукуқ-тартибот идоралари ҳамкорлигига хорижий давлатларга вақтинча ишлаш учун чиқиб кетган битирувчиларни ўқишлиарини давом этиришлари учун яшаш жойларига қайтариш каби ишларни амалга ошириш олиб бориш вазифалари юклатилсин.

**5. Вилоят ҳокимининг ўринбосари, Хотин-қизлар қўмитаси раиси Т.Тожиева хукуқни муҳофаза қилувчи органлар ҳамда шаҳар ва туман ҳокимлклари билан биргаликда аёллар ўртасида жиноятчилик, хукуқбузарликни олдини олиш борасида куйидаги ишларни амалга оширилишини таъминласинлар:**

**1 хафта муддатда** хукуқбузарлик ва жиноятчиликни олдини олиш мақсадида ишсизлар, аёллар ва вояга етмаганларнинг бандлигини таъминлаш бўйича **комплекс чора-тадбирлар** ишлаб чиқиш;

хотин-қизлар томонидан ҳукуқбузарликлар ёки бошқа ғайриижтимоий хатти-харакатлар содир этилишига имкон берадиган сабаблар ва шартшароитларни аниклаш ҳамда бартараф этишга қаратилган ҳукукни муҳофаза қилувчи органлар билан ҳамкорликдаги тизимли профилактик тадбирларни амалга ошириб бориш. (рейidlар ва ўрганишлар олиб бориш)

**1 хафта муддатда** мукаддам судланганлар, хусусан жазони ижро этиш муассасаларидан озод бўлиб келган аёллар билан ишлаш бўйича алоҳида **тадбирлар режасини** ишлаб чиқиши, “Аёлларга психологик, тиббий ёрдам кўрсатиш” реабилитация марказига даволаниш ва жамиятга тўлиқ қайтишларини ташкил этиш мақсадида муолажаларни олиб боришни йўлга кўйиш;

нотинч оилалар ва фарзандлари тарбиясига салбий таъсир кўрсатаётган ота-оналарни аниклаш, уларни рўйхатини шакллантириб бориш, бундай оилалардаги муҳитни соғломлаштириш ҳамда бу тоифа шахсларга жамоат таъсир чораларини кўллаб бориш;

диний экстремистик, террористик ва фундаменталистик мағкура ва қарашларни, миллатлараро ва диний зиддиятларни тарғиб қилувчи норасмий ташкилот ва оқимлари таъсирига тушиб қолган хотин-қизларимиз ва уларни оила аъзоларининг оиласавий холати, уларни турмуш тарзини ўрганиб бориш ва муаммоларни хал этиш бўйия **алоҳида чора-тадбирлар режасини** ишлаб чиқиши;

ёшларни ижтимоий-иктисодий, сиёсий қарашларини соғломлаштириш ишлари олиб боришни янада такомиллаштириш, бунда, диний хаёт кечирувчи ва жамоат ишларига қатнашмайдиган оилаларга алоҳида эътибор қаратиш;

боқимандалик ҳисси шакилланишини олдини олиш мақсадида уларни тадбиркорликка йўналтиришга, имтиёзли кредитлар ажратилишига ва ишга жойлаш масалаларига алоҳида эътибор қаратиш;

**6.** Вилоят хокимлиги (Хасанов), “Камолот” ЁИХ вилоят кенгashi (Полвонов), Ўрта махсус, касб-хунар таълими ҳудудий бошқармаси (Холдоров), вилоят Халқ таълими бошқармаси (Мамажанов), вилоят Маънавият тарғибот маркази (Зохидов), “Маҳалла” хайрия жамоат фонди вилоят бошқарувчи (Элчиев), вилоят Соғлиқни сақлаш бошқармаси (Умаров), вилоят Маданият ва спорт ишлари бошқармаси (Жалилов), вилоят Даъват Солик бошқармаси (Тешабоев), вилоят Мехнат бош бошқармаси (Деконов), Божхона бошқармаси (Жалолов) ҳамда вилоят телерадиокомпанияси (Мамарасулов)лар:

вояга етмаганлар ва ёшлар ўртасида ҳукуқбузарлик ва жиноятчиликни олдини олиш, ёшларни ёт ғоялар таъсиридан ҳимоя қилиш, уларни соғлом эътиқод ва миллий қадриятларга содиқлик, диний бағрикенглик ва миллатлараро ҳамжиҳатлик руҳида тарбиялаш бўйича алоҳида ҳамкорлик дастурини ишлаб чиқиши;

ўз жонига қасд қилиш холатларини олдини олиш мақсадида маҳаллаларда соғлом муҳтини шакиллантириш, ота-она-фарзанд ҳамда қайна-келин муносабатларини тартибга солиш, муносабатлар кескинлашувини олдини олиш, ота-онаси ажрашган ва бобоси ёки бошқа қариндошлари томонидан тарбияланаётган вояга етмаганларни ҳукукий ҳимоясини янада кучайтириш чораларини кўриш;

Вилоят ҳокимининг ўринбосарлари (С.Кўчкоров, О.Ахмедов, Қ.Имомов) хуқуқни муҳофаза қилувчи органлар билан ҳамкорликда **ижтимоий-сиёсий вазият борасида** аҳолининг норозичилик кайфиятини келтириб чиқарувчи омилларни мунтазам равишда ўрганиб бориши;

бозорларда нарх-наво барқарорлигини ҳамда озиқ овқат хавфсизлигини таъминлаш, нақд пул тушимини яхшилашга алоҳида эътибор қаратиш;

аҳоли ўртасида норозилик кайфиятларини келиб чиқиши сабабларидан бирин бўлган табиий газ ва электр таъминоти юзасидан зарур чораларни кўриб бориши;

вилоятда истиқомат қилаётган аҳолини ижтимоий келиб чиқиши, эътиқоди, касб-кори, тирикчилик манбанинни хисобга олган холда чегара қоидасини бузиш билан боғлиқ жиноятларни олдини олиш мақсадида чегара олди аҳоли орасида тушунтириш ишларини мунтазам олиб бориш тизимини янада жадаллаштириш;

#### **7. Халқ депутатлари вилоят, туман ва шаҳар Кенгашларига:**

З кун муддат ичидаги жиноятчилик органлари, махалаларда жиноятчиликни олдини олишга қаратилган мухокама ташкил этиш ва йўл қўйилган камчилкларни бартараф этишга қаратилган чора-тадбирлар режасини белгилаб олиш

ўз сайлов участкалари доирасидаги жиноят содир этган вояга етмаган ва аёлларнинг оиласи билан узвий алоқасини ташкил этиш тизимини жорий қилиш, хар бир ижтимоий химояга мухтоҷ аҳоли қатламини махалла доирасида васий оилани бириктириш каби долзарб вазифа ва тадбирларни амалга ошириш;

келгусида вилоятда жиноятчиликка қарши кураш ва уни олдини олишда асосий эътиборни аёллар, вояга етмаган ва ёшларга қаратган холда, уларни ишга жойлаш, бўш вакъларини сермазмун ўтказишларини ташкиллаш, гиёҳвандлик, оммавий маданият ва ёт ғояларни кириб келишини олдини олишга доир чора-тадбирлар дастурини ишлаб чиқиши ва бажарилишида депутатлик назоратини ўрнатиш вазифаси юклатилсин.

8. Вилоят телерадиокомпанияси (Мамарасулов), “Фарғона ҳакиқати” (Тешабоев) ва “Ферганская правда” (Сайдганиева) газеталари таҳририятига вилоятда ички ишлар бошқармаси томонидан жиноятчиликни олдини олиш ва унга қарши қурашиш юзасидан амалга оширилган ишлар борасида туркум мақола ва кўрсатувларни тайёрлаб бориши тавсия этилсин.

9. Мазкур сессия қарорини ижросини назорат этиш халқ депутатлари вилоят Кенгашининг Қонунийлик, хуқуқ-тартибот ва фуқаролар хавфсизлигини таъминлаш ва ёшлар сиёсати ва соғлом авлодни тарбиялаш масалалари доимий комиссиялари зиммасига юклатилсин.

10. Ушбу қарор қабул қилинган кундан кучга киради.

**Кенгаш раҳбари,  
вилоят ҳокими**

**Ш.Ғаниев .**